



草木典二百五十三卷

椿部彙考

釋名

杔書經

標山海經

椿唐本草

栲綱目

虎眼綱目

大眼桐綱目

虎目樹拾遺

鳳眼草藥名

椿圖



書經 夏書禹貢

荊州厥貢杕幹栝柏

註

杕木名又作杕正

義

陸璣毛詩義疏云杕栝漆相似如一則杕似栝漆也

蔡杕木似栝而可爲弓幹

山海經 中山經

成侯之山其上多杕木

註

似栝樹材中車轆吳人呼杕音輶

嬰磈之山其下多杕杕

花木考 杕芽

採杕芽食之以當蔬亦有點茶者其初茁時甚珍之既老則茹而蓄之

徐光啟農政全書 杕考

元扈先生曰杕宜於春分前後栽之

又曰其葉自發芽及嫩時皆香甜熟鹽醃皆可茹

本草綱目 杕釋名

李時珍曰杕栝易長而多壽考故有杕考之稱莊子言大椿以八千歲爲春秋是矣杕香而栝臭故

椿字又作櫨其氣熏也櫨字從零其氣臭人訶噓之也櫨亦椿音之轉爾 陳藏器曰俗呼椿爲猪椿北人呼櫨爲山椿江東呼爲虎目樹亦名虎眼謂葉脫處有痕如虎之眼目又如櫨蒲子故得此名

集解

蘇恭曰椿櫨二樹形相似但櫨木疎椿木實爲別也

蘇頌曰二木南北皆有之形幹大抵相類

但椿木實而葉香可噉櫨木疎而氣臭膳夫亦能熬去氣並采無時櫨木最爲無用莊子所謂吾有大木人謂之櫨其木擁腫不中繩墨小枝曲拳不中規矩者爾雅云櫨山櫨郭璞注云櫨似櫨色小白生山中因名亦類漆樹俗語云櫨櫨漆相似如一陸璣詩疏云山櫨與田櫨無異葉差狹爾吳人以葉爲茗 寇宗奭曰椿櫨皆臭但一種有花結子一種無花不實世以無花而木身大其幹

端直者爲椿椿木用葉其有花莢而木身小幹多迂矮者爲櫨櫨用根及莢葉又蟲部有櫨鷄不言椿鷄以顯有鷄者爲櫨無鷄者爲椿古人命名其義甚明 掌禹錫曰櫨之有花者無莢有莢者

無花其莢夏月常生臭櫨上未見椿上有莢者然世俗不辨椿櫨之異故呼櫨莢爲椿莢爾 李

時珍曰椿樗櫟乃一木三種也椿木皮細肌實而赤嫩葉香甘可茹樗木粗肌虛而白其葉臭惡欬  
年人或采食樗木卽樗之生山中者木亦虛大梓人亦或用之然爪之如腐朽故古人以爲不材之  
木不似椿木堅實可入棟梁也

### 葉氣味

苦溫有小毒 孟詵曰椿芽多食動風熏十二經脉五臟六腑令人神昏血氣微若和豬肉熱麪  
頻食則中滿蓋擁經絡也 李時珍曰椿葉無毒樗葉有小毒

### 葉主治

唐本草曰煮水洗瘡疥風疽樗木根葉尤良 李時珍曰白禿不生髮取椿桃楸葉心搗汁頻塗  
之 生生編曰嫩芽瀹食消風祛毒

### 白皮及根皮修治

雷斅曰凡使椿根不近西頭者爲上采出拌生葱蒸半日剉細以袋盛掛屋南畔陰乾用 李時  
珍曰椿樗木皮根皮並刮去麤皮陰乾臨時切焙入用

皮氣味

苦溫無毒

甄權曰微熱

朱震亨曰涼而燥

陳藏器曰樗根有小毒

李時珍曰樗

根制硫黃砒石黃金

皮主治

唐本草曰瘡蠹樗根尤良

陳藏器曰去口鼻瘡蟲殺虻蟲疥蠹鬼注傳尸蠱毒下血及赤白久

痢 蕭炳曰得地榆止瘡痢

雷斅曰利溺瀝

大明曰止女子血崩產後血不止赤白帶

腸風瀉血不住腸滑瀉縮小便蜜炙用

朱震亨曰治赤白濁赤白帶濕氣下痢精滑夢遺燥下

濕去肺胃陳積之痰

發明

孟詵曰女子血崩及產後血不止月信來多並赤帶下宜取東引細樗根一大握洗淨以水一大升煮汁分服便斷小兒瘡痢亦宜多服仍取白皮一握粳米五十粒葱白一握炙甘草三寸豉兩合水一升煮半升以意服之枝葉功用同 朱震亨曰樗根白皮性涼而能澀血凡濕熱爲病瀉痢濁

帶精滑夢遺諸證無不用之有燥下濕及去肺胃陳痰之功治泄瀉有除濕實腸之力但痢疾滯氣未盡者不可遽用宜入丸散亦可煎服不見有害予每用炒研糊丸看病作湯使名固腸丸也

李時珍曰椿皮色赤而香樗皮色白而臭多服微利人蓋椿皮入血分而性瀉樗皮入氣分而性利不可不辨其主治之功雖同而瀉利之效則異正如茯苓芍藥赤白頗殊也凡血分受病不足者宜用椿皮氣分受病有鬱者宜用樗皮此心得之微也乾坤生意治瘡腫下藥用樗皮以無根水研汁服二三椀取利數行是其驗矣故陳藏器言樗皮有小毒蓋有所試也 寇宗奭曰洛陽一女子

年四十六七耽飲無度多食魚蟹畜毒在臟日夜二三十瀉大便與膿血雜下大腸連肛門痛不堪任醫以止血痢藥不效又以腸風藥則益甚蓋腸風則有血無膿如此半年餘氣血漸弱食減肌瘦服熱藥則腹愈痛血愈下服冷藥卽注泄食減服溫平藥則病不知如此期年垂命待盡或人教服人參散一服知二服減三服膿血皆定遂常服之而愈其方治大腸風虛飲酒過度挾熱下痢膿血痛甚多日不癒用樗根白皮一兩人參一兩爲末每服二錢空心溫酒調服米飲亦可忌油膩濕麪青菜果子甜物鷄猪魚羊蒜薤等

莢主治

嘉祐曰大便下血

附方

去鬼氣樗根一握細切以童兒小便二升豉一合浸一宿絞汁煎一沸三五日一度服之

陳藏器本草

小兒疳疾椿白皮日乾二兩爲末以粟米淘淨研濃汁和丸梧子大十歲三四丸米飲下量大小加減仍以一丸納竹筒中吹入鼻內三度良

子母祕錄

小兒疳痢困重者用樗白皮搗粉以水和作棗

大饅餛子日曬少時又搗如此三遍以水煮熟空肚吞七枚重者不過七服忌油膩熱麪毒物又方用樗根濃汁一觔殼和粟米泔等分灌下部再度卽瘥其驗如神大人亦宜

外臺祕要

休息痢疾日

夜無度腥臭不可近臍腹撮痛東垣脾胃論用椿根白皮訶黎勒各半兩母丁香三十箇爲末醋糊丸梧子大每服五十丸米飲下唐瑤經驗方用椿根白皮東南行者長流水內漂三日去黃皮焙爲末每一兩加木香二錢粳米飯爲丸每服一錢二分空腹米飲下水穀下利及每至立秋前後

卽患痢兼腰痛取樗根一大兩擣篩以好麪捻作饅餛如皂子大水煮熟每日空心服十枚並無禁

忌神良

劉禹錫  
專信方

下利清血腹中刺痛椿根白皮洗刮曬研醋糊丸梧子大每空心米飲下三四

十丸一加蒼朮枳殼減半

經驗方

臟毒下痢赤白用香椿洗刮取皮日乾爲末飲下一錢立效

方

臟毒下血溫白丸用椿根白皮去粗皮酒浸曬研棗肉和丸梧子大每淡酒服五十丸或酒

糊丸亦可

儒門  
事親

下血經年樗根三錢水一盞煎七分入酒半盞服或作丸服虛者加人參等分

卽虎眼樹

仁有方

血痢下血臘月日未出時取背陰地北引樗根皮東流水洗淨掛風處陰乾爲

末每二兩入寒食麪一兩新汲水丸梧子大陰乾每服三十丸水煮滾傾出溫水送下忌見日則無

效名如神丸

普濟方

脾毒腸風因營衛虛弱風氣襲之熱氣乘之血滲腸間故大便下血用梔

根刮去粗皮焙乾四兩蒼朮米泔浸焙枳殼麩炒各一兩爲末醋丸如梧子大每服五十丸米飲下

日三服

本事方

產後腸脫不能收拾者樗枝取皮焙乾一握水五升連根葱五莖漢椒一撮同煎

至三升去滓傾盆內乘熱熏洗冷則再熱一服可作五次用洗後睡少時忌鹽鮓醬麪發風毒物及

用心勞力等事年深者亦治之

婦人良方

女人白帶椿根白皮滑石等分爲末粥丸梧子大每空腹

白湯下一百丸又方椿根白皮一兩半乾薑炒黑白芍藥炒黑黃蘗炒黑各二錢爲末如上法丸服

丹溪方

男子白濁方同上

腸風瀉血椿莢半生半燒爲末每服二錢米飲下

普濟方

誤吞

魚刺生生編用椿樹子燒研酒服二錢保壽堂方用香椿樹子陰乾半盞搗碎熟酒衝服良久連骨吐出

洗頭明眼用鳳眼草卽椿樹上叢生莢也燒灰淋水洗頭經一年眼如童子如椿皮灰尤

佳正月七日二月八日三月四日四月五日五月二日六月四日七月七日八月三日九月二十日

十月二十三日十一月二十九日十二月十四日洗之

衛生易簡方

### 椿部藝文一

#### 庭椿賦

元任士林

燕山之陽南溟之濱有大木焉其名曰椿蓋抗歲時而聳立揭造化之躑躑者與相彼奇亭夷庚掌平迺隘簷村蜚椽列星維陋巷之蕭蕭兀幽人之柴局有椿喬然闕乎中庭元雲構其堂宇秀色結乎軒檻觀其崇根碩本挺柯稠葉翁翁焉葦葦焉青冥黯黯皮溜雨而腴胝榦拂霓而兀還簪日月之氛陰控雪霜之飄颻千尋引而表端萬鳥棲而影接蓋根柢之擁腫性也豈不美乎莊生之櫟枝葉榮暢時也又何歆乎王氏之槐耶盼老人之豫章訪歲寒之松柏或輪囷以爲奇或偃蹇以爲傑

孰與夫謝萬牛而窟鬼却匠石而鬱菲者乎爾則稚竹株連弱松肺附結緒根於地軸藉沫濡於雨露想其族幹崢嶸列萬間之厦屋不足以喻叢條鱗輳離干社之粉榆又何足以同年而語耶于是天翊其貞地隆其植寒暑節其涼溫鬼神呵其峻特醴泉夜注而人不能挹以草木之滋卿雲晨覆而人不能衣以青黃朱綠之綵人不足以扶持而終風不移人不足以悅懌而陽春色怡所以俯視君遷傲倪平仲而永爲斯庭之瞻依也耶彼尋常之喬梓亦何足以與乎斯

椿堂賦

袁桷

昔嘗疑夫漆園之叟學幻而逃虛詢蟲魚之疏考風土之書莫之敢圖余遊上京有客北窮夫金山西歷夫賀蘭南踰雕題東超三韓輾然而言茫茫禹跡子所履者誠然乎冬裘夏葛寒暑之運環也今也日臨中街霜飛冰羅羣集於踵貂挾於懷戴斗接淅承露凝杯子安觀而靡猜駭聞忽見知奚窮乎齊諧吾先枚夫九州者而言之屢熟之稻南州是專十丈之蓮華峯所傳栢化石以錫貢樟生庭而爲州梅梁分以鎮妖祥牂肇乎維舟杞犬吠而質變侵人形以劑投華平維常瑞於皇圖冀苑屈軼盛於堯世木沉產子以成國樹古眩精而爲魅松分秦王之封柏擅蜀相之祠若是則復何疑

焉在昔大帝窮源崑崙見北溟之鵬視之若雲卽之若雲得其遺羽丈尋不能以論是齊物者非寓言也耶維老彭之遺裔握六氣以自馴肇茲齋居其名爲椿二儀網緼周流無垠則以自儀道合至淳吸兮若韞旋兮若輪肅兮似秋熙兮如春行乎六合而不蹟則所謂八千者吾猶以爲歲年之稊米也客揖而去遂爲之賦

雙椿堂銘

明宋濂

三槐名堂預知顯榮之兆五柳有傳式啟肥遯之趣蓋緣辭以達志而其文特繫托物以明類而其義最切粵自前古以逮方今指意固殊塑轍則一有若右司都事某君器局凝遠識度迴卓篤愛日之誠隆悅親之道奉其仲父並於嚴君建一堂之觀深揭雙椿以爲號氣同于祖奚須類我之祝孝推乎親必盡構室之志稽之五倫十起之私阿新思繼之晚昭然軌跡莫擬光塵由是美聞流于縉紳永歌傳於綢簡不鄙狂瞽漫紹徽音其辭曰有雙者椿離植于庭修莖並擢峻葉均青涼露夕冪灝露晨零材非齊散壽比莊齡美茲華構托以嘉名雲聯遙戶月澹鮮櫺中有二皓古之壽朋鶴髮齊素台背交升商宣宮奏柏茂松貞厥子能令省署蜚聲絳衣執板賢冠垂纓調陳五鼎養或三牲

簪裳生豔州里流榮雅辭振玉麗句雕瓊文犀作軸翠琰鏤銘禮敦民典孝篤天經名教所繫善俗攸興凡百君子宜鑒宜徵

椿部藝文二

詩

椿

峨峨楚南樹杳杳含風韻何用八千秋騰凌詫朝菌

椿

劉敞

野人獨愛靈椿館館西靈椿聳危幹風揉雨煉三月餘奕奕中庭蔭華傘

椿部紀事

莊子逍遙遊上古有大椿者以八千歲爲春八千歲爲秋而彭祖乃今以久特聞衆人匹之不亦悲乎

洛陽伽藍記永寧寺僧房樓觀一千餘間栝椿松柏扶疎拂簷

雲仙雜記盧攜夢人贈句曰若問登庸日庭椿不染風初不解其言後數年攜拜相庭下古椿一株

雖狂風驟雨不濕不搖

遊宦紀聞涿州有靈椿寺寺中椿木一本大不可量枝幹繁盛凡樹影皆隨日月升沉以爲邪正而椿影早暮未嘗少移

湧幢小品福州之靈江在海上多烈風白崖之巔有椿一枝翠蓋亭亭榕葉槐身經年無鳥跡雖風作不脫片葉三年一結子如紅豆一道士夜半月明見樹頂霞裳羽衣者數人隨以鶴鹿盤桓其上隱隱有笙簧聲鷄初號乃散

青州府志臨淄古城東北五里餘有雪宮遺址其斷碣瓦石之迹父老猶及見而傳說之亦云今之曹村先名雪宮莊鄉官李春陽於此地建泰嶽神祠取椿木截其本末刳其皮榦枯之良久置於舊石春中豎爲旗標不數日枯木生稊發葉及月餘百枝穠茂而石春四裂焉李異其事遂捐百金構殿宇列聖像以遂土民敬禮嶽神之心

博野縣志正德十四年縣治蕭相祠前二椿樹枝間各長人面眉目宛然

武強縣志嘉靖二十二年縣治庭椿枯朽復榮

五河縣志嘉靖二十二年椿花生先是儒學門東植椿數株首株偶發二花時生梢榦紅艷奪目又由夾枝中一莖高聳其上如盤結列數葉葉各成朶長三寸餘南北分向若拱知縣高珍豎碑建亭以識之

輝縣志連理樹在縣東二里道傍兩椿同根一雄一雌下有雙塚微露其甌未知所葬何人蓋賢夫婦和氣所感而生者

六合縣志驛前有古椿樹大可數合抱含吐烟雲分榦糾曲逸葉紛橫流蔭蕭颯分布大道行者或憩其下後爲雷火壞

淮安府志萬曆三十七年五月初七日雨後本府城隍廟門內合抱椿樹自焚

### 椿部雜錄

埤雅董子曰木名三時革命一歲若椿從春榿從夏楸從秋所謂木名三時也芋從子黃從寅萌從卯舊從酉芋從丁茂從戊芭從己華從辛葵從癸之類命以歲支干故曰革命一歲也

山家清供劉禹錫著樗根餛飩皮法立秋前後世人多痢及腰痛取樗根一兩握搗篩和麪捻餛飩

如皁莢子大清水煮空腹下十枚並無禁忌山家晨有客至先供之十數不惟有益亦可少延早食  
椿實而香樽疎而臭惟椿根可也

樽部彙考

釋名

樽  
詩經

栲  
詩經

山樽